

忻州志卷四十一

僑寓

北魏

乙弗朗家上洛孝莊末避地居并肆間爾朱榮見而重
之後隸賀拔岳封長安縣公卒贈太尉

五代

劉赤塘不知何許人有隱操不求聞達廡白馬山谷中
今名赤塘谷

金

王中立字湯臣岢嵐人博學強記問無不知好作擘窠

忻州志

卷四十一

僑寓

一

大字往往輿目爲之筆意縱放勢若飛動趙閒閒甚
愛之李屏山嘗見湯臣商略前代人物引先儒論議
數十條在目前如人人自相詰難然後以己意斷之
以爲辨博中第一流人也晚年易名雲鶴號擬栩元
裕之嘗從問學往來最密臨終預尅死期如言而逝
州將石倫葬之忻州時年五十六

田紫芝字德秀滄州人少孤養於外家定襄趙氏故多
居於忻年十三外祖廣甯治中命賦麗華引語意驚
絕人謂李長吉復生資性穎悟一覽萬言年二十讀
經傳子史幾徧爲人疎俊而以蘊藉見稱與同郡王

元卿齊名貞祐初避兵臺山倉卒爲游騎所馳遇害
時年二十三士論惜之

李治字仁卿正定欒城人登金進士第調高陵簿未上
辟知鈞州事壬辰城潰治微服北渡流落忻崞間聚
書環堵人所不堪治處之裕如也世祖在潛邸聞其
賢遣使召之且曰素聞仁卿學優才贍潛德不耀久
欲一見其勿他辭及卽位欲處以清要懇求還山治
晚家元氏買田封龍山下而渾源志謂治與元好問
張德輝嘗遊龍山爲龍山三老之一今兩存其說

元

忻州志

卷四十

僑寓

二

王思廉字仲常正定獲鹿人幼僑忻師元好問旣冠張
德耀宣撫河東辟掌書記旋謝歸至元十年董文忠
薦之世祖仁宗朝以翰林學士承旨致仕